

松溪公传

予与公联诗社数十年，每有佳句，各持以往来，谈澈夜不倦。公不嗜仕进，卒以不第，终予领乡荐以大挑铎，衡山公没，未示讣。予得家信知，哭数日不能绝声。已而，思之公与予同年月日生，公今老矣，予复能活几时。惟忆公生平有不可没者数事时有迫於遇鬻子为僧者，公闻之，即出赀赎还。公因非素丰，顾能舍己济人，慷慨若是，是义也。而仁亦至焉。邻有犯鬼祟者，四方奔走不一。至公家时，以人围坐，忽言：是某家来窃某物，至糊言乱语，众莫能制，适公自外入，即惊避，询之，谓畏公是正能胜邪也。人有口角，诉於公，公并呼之至，以斥以劝，事即释，一乡得无事，是公直服人也。其事先君龙塘先生，食必亲进，寝必亲视。龙塘先生专易经，每有指示，公必录而识之。故公於易尤精，是能继志也。生平所作诗文，不下千百纸。人多劝以付梓，公谓诗文一时、适兴，非有裨於人心，世道，无庸刻，有手纂易学。得心，亦自谓人各有得，彼好学者就予让也。无烦予赘，是不矜能也。他如倡修桥梁，义渡，以及祠宇谱牒，人人所能为者，公固多不必道，予於是為公泣，亦

自为泣，书以寄公之子，俾不殁公之诣，永为後人法守，
县以示予不忘故人之心焉。

衡山县儒学教谕张孝龄拜手书